



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Annales Mariani Societatis Iesv**

**Nádasi, János**

**Romæ, 1658**

Anno MDLXXXII.

**urn:nbn:de:hbz:466:1-42840**

Palma triumphalis, pacis oliua, scala.  
Fusa procul Platanus, delictumque rosa.  
Virtutis speculum perpetuaque cedrus.

Marraccius in Biblioth. Mariana ait eundem cum  
P. Laurentio Magio collegisse è Patribus, & Scri-  
ptura, ac in singulos hebdomadæ dies distribuiffe  
B. Virginis Litanias.

## ANNO MDLXXXII.

*Incit.*  
*a. 48.*  
*Pro con-*  
*fessione*  
*illam in-*  
*uocare.*  
*De excell.*  
*Virg. Mar*  
*c. 122*

273 Hoc anno apud Iulieneses Peruanos, quod  
annuæ narrant, mulier quædam satis illa quidem  
erga res spirituales affecta, cum in nescio quod  
peccatum esset prolapsa; ita mæstitiâ, & pudore  
opprimi se passa est, vt id nunquam confiteri au-  
deret. Tandem ex ægritudine desperatione conce-  
ptâ, suspendio molestias finire constituit. Huic, &  
laqueum vnde se suspenderet apparanti quomodo  
subsidiu etiam pro confessione apud nostrum pera-  
gêdâ Beatissima Virgo tulerit, aliàs dixi. Quàm be-  
nè diuinæ huic Matri S. Anselmus! *Filius tuus*, ait,  
*erit ad concedendum quicquid voles promptissimus. Tan-*  
*tummodò itaque velis salutem nostram, & verè nequa-*  
*quam salui esse non poterimus.* Nos verò, & ad hoc  
Sacramentum benè obeundum gratiam à DEO per  
B. V. petamus; & eos qui ad peccata expianda nos  
accedunt, ita tractemus, atque si essent missi ab ipsâ  
Virgine DEI Matre. Ita illam colemus.

*Castitatē*  
*eius ope*  
*tueri.*

274 Didicerat hoc remedium fœmina Mexica-  
na à confessario quodam nostro, vt pro adminiculo  
puritatis IESVM, & MARIAM pronuntiaret proco-  
scelus urgente. Fecit id illa obedienter: & ecce  
tibi miro arcani cælestis adiumento, factus est pro-  
cus, sibi omnem illum consceleratum æstum non  
deferbuiffe tantum, verum prorsus extinctum.  
Nempe hisce nominibus immundus ille genius  
planè

planè prostermitur: sicut Limensis illa Virgo hoc eodem anno, cum viri cuiuspiam vim obscœnam, tentantis impetum effugere se non posse videret, flagrantissimo corde IESVM, & MARIAM pronunciauit, scelesto illo horum nominum authoritate, maiestate, terrore in terram prostrato, & Virgine à periculo lætâ, ac saluâ. Fuit MARIA, inquit S. Ephræm Syrus, *fons spiritus æterni hominibus, & pudicitia atque incorruptionis præceptum.*

275 Eduardus Trogmortonus hoc anno 18. Nouemb. post edita Nouitiorum vota Romæ mortuus est. Hic vt in Anglia à parentibus, ita deinceps à Beatissima Virgine manè, ac vesperi reuerentissimè supplex benedictionem postulabat. Id cum æger per vires non posset, omisit genuflexionem, & compositis manibus idem ita exequebatur, vt diceret: *O gloriosa Mater benedicta, digneris pro tua benignitate respicere me misellum, & recipere in Filium tuum, tuamque mihi benedictionem impertiri.* Cum nos ad cælum vocabit IESVS, dicet; Venite benedicti Patris mei. Ad id nos iuuabit si simus benedicti etiam Matris IESV; per quam, inquit S. Ioan. Chrysostomus, *vitam æternam inuenimus.*

276 Hoc anno felici æternitati transcripsit beatum spiritum cælestis illa Virgo S. Terefia, de qua in *historia sacra*, seu mari, ac Oceano Religiosorum Abbas Silvester Maurolicus in fine paginæ vltimæ ait, *inclytam Societatem IESV à B. Matre Terefia conspectam quòd à Beatissima Virgine modo quodam admirabili, Virgineo, & aureo ipsius Deiparæ pallio tegetur. Te sum nactus,* ait ad B. Virginem S. Sabbas, *unicum animæ meæ solatium, & planè diuinum.*

277 S. Terefiâ rogante, ac ea quæ viderat verbis quibus poterat corâ explicante, præter CHRISTI

X

resur-

de Mar-  
gar. pre-  
tiosa p.  
673.

A. B. V.  
petere  
benedi-  
ctionem.

Matris  
instar il-  
lam ha-  
bere.

in ps. 45.

impressa  
Messanz  
anno 1613  
pag. 438.  
Fiducia  
magna  
ad illam  
confuge-  
re.

Mona  
29. Ian.  
Ribera vi-  
ta S. Te-  
res. lib. 1.  
c. 10.

Imagi-  
nes B. V.  
curare  
ad pieta-  
tem .

Alienæ  
etiam er-  
ga B. V.  
pietati  
feruire .  
*de excell.  
Virg. Ma-  
ria c. 8.*

*annua  
pag. 161.*  
Indu-  
strijs B.  
V. cultū  
prouehere .

*tom. 2. or.  
de laud.  
B. V.  
annua  
pag. 162.*  
Esse in-  
strumen-  
tum pu-  
blicæ in  
Deiparâ  
pietatis ,

resurgentis imaginem , depinxit etiam effigiem  
Beatissimæ DEI Matris, *Ioannes de Pegna* , postea So-  
cietati adscriptus . Illam Ribera vidit, aitque fuisse  
*gratiosissimam* . Visa à se plura quæ Ioannes pinxerit;  
verum cum hac Deiparæ imagine collata nihil om-  
ninò splendoris habuisse: adeò vt Ribera vix adduci  
posset ad credendum quòd illæ picturæ ab eadem  
manu fuissent profectæ à qua hæc tam exquisitæ ele-  
gantia imago picta erat . Hanc S. Terefia secum  
semper gestabat . Felices manus, & cor, & quicquid  
in nobis est, si quæsitissimis modis, & suæ, & ali-  
enæ in Deiparam pietati seruire sciant, possint, velint;  
nec minùs velint quàm sciant, vel possint . *Quid  
amplius*, inquit hisce desiderijs inæstuans S. Ansel-  
mus, *quid amplius dicere possum, Domina? Immensi-  
tatem quippe gratiæ, & gloriæ, & felicitatis tuæ conside-  
rare concupienti sensus deficit, lingua fatiscit .*

278 E Burdigalensi Collegio Pater quispiam  
Talamonijs, vt ad B. V. cultum populum incitaret,  
instituit, vt singulis diebus B. V. *MARIÆ completorium*  
recitetur; diebus verò Dominicis, & festis,  
etiam *matutinum eiusdem, & vesperæ*: vt quoniam  
plerumque ijs diebus, Sacerdotum inopiâ, missâ  
carent, eâ saltem ratione pietatis, calorem conser-  
uent . Sic Annuæ . Benè profectò, & melius quàm  
olim Romæ Vestales virgines igni seruando præfi-  
ciebantur, *MARIA pietatis calori tuendo præficitur,*  
quæ S. Epiphanio est *clibanus intellectualis, quæ ignem  
& vitæ panem habebat .*

279 E Lugdunensi verò Collegio missum ab  
Urbe vnum è nostris ad B. V. Lauretanam velut  
nuncium literæ in hunc modum meminere: Ciui-  
tas Lugdunensis anno superiore valde vexata pesti-  
lentiâ est; neque morbus remisit priùs quàm Ciuitas  
votum

votum B. MARIE Lauretanæ publicè fecerit : cuius damnata voti, vnum è nostris misit, qui illud dissolueret. Sic ibi. Ita ille velut collectis Urbis totius linguis, & cordibus Deiparam ex munere salutavit; illam Deiparam, cui in Græcis Menais Ioannes Euchaïta sic loquitur : *Te, tanquam amabile cunctorum mortalium decus, celebramus vniuersi, hymnis cantandis in vnum veluti labium collecti. quare, ò palatium Verbi, nos quidem viles, sed tamen tuos, ad celeste Regnum admitte.*

30. Ian.

ANNO MDLXXXIII.

280 P. Rudolphus Aquaniua P. Euerardo Mercuriano Generali scribens ex Indico itinere; Equidem, inquit, in memoriam tuæ erga me paternæ tutelæ semper in sinu gesto Deiparæ effigiem quam proficiscenti mihi dedisti. Benè illius effigies hoc in honore habebitur, à qua, vt ait Andreas Archiepiscopus Hierosol. *nostra effigies nouam figuram consequitur.* Nouam figuram se per illam à Deo consecutum gaudebat P. Michael Gubernus hoc anno 28. Dec. Valentiaë extinctus. Solebat ille, etiam in triclinio aliquando, perita à Superiore facultate, tenere narrare, se die Beatissimæ Virginis natum, eiusdem die Societatem ingressum, item primum introiisse ad altare Dei ad primum sacrificium celebrandum, & plurimis alijs ab illa beneficijs cumulatum, quæ suauissimo audientium sensu facundiaque amabili percensebat.

Imaginè B.V. pro itinere dare amicis. in S. Mar. salutationem.

Beneficia eius narrare,

281 Benedictus Goëz miles licentior, Societatem Iesv anno 1584. expetiit, & adiit ope Deiparæ, animo, in eius templo anno 1583. ad maiorem de noxis præteritis detestationem, & confessionem, apud vnum de Societate faciendam, adeoque ad Societatem ineundam permoto : in qua ille, utili

Cor pœnitès per illam petere.

sup

X 2

Mogo-